

Bun nyunsu fi ala sma

A Evangelie fu Yesus Kristus

A Evangelie begin nanga Yesus. Yesus* wan taki 'Gado ferlusu' noso 'Gado da Ferlusuman'. En ben kon na grontapu fu ferlusu unu fu sondu.

A sa kisi wan manpikin, di yu mus kari **Yesus.
Bika na En sa ferlusu En pipel fu den sondu.**

— *Mateus 1:21* —

A PROBLEMA

Den **sondu** fu unu tyari prati mindri unu nanga Gado. Dat' meki un no man kon na Gado. Owktu a paiman fu sondu na dede. A prati meki tu taki sma e ondrofeni wan leigi ini den ati, den frede èn no abi howpu.

Yesaya 59:2, Roma 6:23, Mateus 9:36

A KARI

A boskopu fu Yesus begin nanga a kari fu **drai libi**. Drai libi wan taki un no mus libi moro leki fosi. A heri fasi fa un e denki mus kon nyun. Gado wani taki un mus tapu nanga a sondu libi èn du a wani fu En.

Mateus 4:17, Boskopuman 3:19, Efese 4:22-24

A YEPI

Trutru drai libi na wan sani sa libisma no man du. Fu dat' ede **Yesus** e kari unu fu kon na En, feni yepi na En èn waka na En baka. En na a enkri Wan sa man ferlusu unu èn a enkri pasi fu kon na Gado.

Mateus 11:28-30, Mateus 19:25-26, Yohanes 14:6, Boskopuman 4:12

*A Nen Yesus kmopo fu a Hebrewtongo Nen Yeshua. A wan taki 'JHWH da Ferlusuman'. JHWH na fa Gado kari En srefi na Moses. Nofotron sma skrifi a Nen JHWH leki Yahweh noso Jehovah.



Yesus man ferlusu unu bika En dede gi wi sondu. Dat' meki Gado kan sori unu En bun-ati. Tapu a di fu dri dei Yesus opo baka na dede, fu dat'ede A kan gi unu wan nyun libi tu. A o krin wi fu ala den sondu di wi ben du.

Kristus* srefi, Di ben bun ini Gado ai, dede gi den sondu fu den sma di no bun ini Gado ai. A du en wan leisi nomo fu tyari un kon na Gado.

— 1 Petrus 3:18 —

UNU PIKI

Efu un bribi ini Yesus trutru, wi sa **du san En e taki**. En sa gi wi En Santa Yeye, Di e yepi wi fu waka na En baka, sori unu En bun-ati èn meki un kon leri sabi En moro bun.

Yahanes 3:36, 1 Yohanes 2:3-6, Yohanes 14:26, Titus 3:5, 2 Petrus 3:18

A STREI

Yesus pai a bigi paiman fu ferlusu unu. Ma unu srefi mus de klar'klari fu nyan pina efu un wani waka na En baka. Un mus **poti un eigi wani na wan sei** èn kaka futu gi ogri. Un sa ondrofeni tu tak' sma de na wi baka fu du wi ogri.

1 Korinte 6:20, Mateus 16:24-25, Lukas 13:24, 2 Timoteus 3:12

A PAIMAN

A paiman fu waka na Yesus baka no bigi moro san Gado gi wi. Nownowde kba Gado ferlusu unu fu katibo. Un no abi fu frede dede noso tra sani moro. Èn efu wi hori doro ini bribi un sa kisi a **libi fu têgo**.

Hebrewsma 2:14-15, Roma 2:5-8, Yohanes 3:16

*Kristus wan taki Salfuwan. Yesus de da Salfuwan. Gado salfu En nanga a Santa Yeye èn poti En leki Mindriman Di e tyari un kon na En.

Kebroiki a stukakarta disi fu stuka a Wortu fu Gado èn fu prati a Bun Nyunsu. Suku den vers èn lesi a her' pisi. A karta disi na wan syatu pisi fu a Bun Nyunsi fu Yesus Kristus. A Wortu fu Gado e ferteri a her' boskopu. Aksi Gado fu tyari kon na krin a tru nanga a krakti fu a Bun Nyunsu.

Be Purified meki a karta disi fu prati fu soso. Un no gi primisi fu seri a karta disi.

 bePurified

Moro sani
fu stuka →

bepurified.org